

本期主持：Chen

“梦回高考！一起来做真题！”

▲ 明 仇英 觀榜圖 局部 台北故宫

01 全国甲卷

〔2020〕甘肃、青海、内蒙古、黑龙江、
吉林、宁夏、新疆、陕西

读史

王安石

自古功名亦苦辛，行藏终欲付何人。
当时黠闇犹承误，末俗纷纭更乱真。
糟粕所传非粹美，丹青难写是精神。
区区岂尽高贤意，独守千秋纸上尘。

02 全国乙卷

〔2021〕河南、山西、江西、安徽

鹊桥仙·赠鹭鸶

辛弃疾

溪边白鹭。来吾告汝。溪里鱼儿堪数。
主人怜汝汝怜鱼，要物我、欣然一处。
白沙远浦。青泥别渚。剩有虾跳鳅舞。
任君飞去饱时来，看头上、风吹一缕。

03 全国丙卷

〔2020〕云南、广西、贵州、四川、西藏

苦笋

陆游

藜藿盘中忽眼明，骈头脱襁白玉婴。
极知耿介种性别，苦节乃与生俱生。
我见魏徵殊媚妩，约束儿童勿多取。
人才自古要养成，放使干霄战风雨。

04 新高考I卷

〔2021〕山东、湖北、河北、
福建、江苏、广东、湖南

寄江州白司马

杨巨源

江州司马平安否，惠远东林住得无。
湓浦曾闻似衣带，庐峰见说胜香炉。
题诗岁晏离鸿断，望阙天遥病鹤孤。
莫谩拘牵雨花社，青云依旧是前途。

05 新高考I卷

〔2021〕山东、湖北、河北、
福建、江苏、广东、湖南

四言赠兄秀才入军诗

嵇康

息徒兰圃，秣马华山。
流磻平皋，垂纶长川。
目送归鸿，手挥五弦。
俯仰自得，游心太玄。
嘉彼钓叟，得鱼忘筌。
郢人逝矣，谁与尽言。

嵇康诗有“目送归鸿，手挥五弦”一句，顾恺之说画“手挥五弦易，目送归鸿难”。请结合材料，谈谈你对此的理解。

06 新高考II卷

〔2021〕辽宁、海南、重庆

示儿子

陆游

父子扶携返故乡，欣然击壤咏陶唐。
墓前自誓宁非隘，泽畔行吟未免狂。
雨润北窗看洗竹，霜清南陌课劬桑。
秋毫何者非君赐，回首修门敢遽忘。

07 北京卷

〔2021〕

和陶归园田居六首 其一

苏轼

环州多白水，际海皆苍山。
以彼无尽景，寓我有限年。
东家著孔丘，西家著颜渊。
市为不二价，农为不争田。
周公与管蔡，恨不茅三间。
我饱一饭足，薇蕨补食前。
门生馈薪米，救我厨无烟。
斗酒与只鸡，酣歌饯华颠。
禽鱼岂知道，我适物自闲。
悠悠未必尔，聊乐我所然。

08 天津卷

〔2020〕

纪村事

韦庄

绿蔓映双扉，循墙一径微。
雨多庭果烂，稻熟渚禽肥。
酿酒迎新社，遥砧送暮晖。
数声牛上笛，何处饷田归。

09 上海卷

〔2020〕

夜泊/野寺/山行/江上

孔仲武

万里长江一叶舟，客心萧索已惊秋。
乱霞影照山根寺，落日光翻水面楼。
浅浦耀金知跃鲤，前滩点雪见栖鸥。
少年壮气悲寥廓，未忍沧江下钓钩。

10 浙江卷

〔2020〕

秋江送别二首 其二

王勃

归舟归骑俨成行，江南江北互相望。
谁谓波澜才一水，已觉山川是两乡。

送柴侍御

王昌龄

流水通波接武冈，送君不觉有离伤。
青山一道同云雨，明月何曾是两乡。

11 台湾学测

2021年1月22日

武陵春·春晚

李清照

风住尘香花已尽，日晚倦梳头。
物是人非事事休，欲语泪先流。
闻说双溪春尚好，也拟泛轻舟。
只恐双溪舴艋舟，载不动、许多愁。

【附送】

1、香港高中毕业考 DSE考试 2020年11月6日

考试范围共6首：王维《山居秋暝》，李白《月下独酌·其一》，杜甫《登楼》，苏轼《念奴娇·赤壁怀古》，李清照《声声慢·秋情》，辛弃疾《青玉案·元夕》

考题为《念奴娇·赤壁怀古》

2、新加坡O-Level中学毕业考试 2021年5-6月

考试范围共15首：《诗经·关雎》，《古诗十九首·迢迢牵牛星》，《木兰辞》，王勃《送杜少府之任蜀州》，王昌龄《从军行·青海长云暗雪山》，孟浩然《过故人庄》，杜甫《闻官军收河南河北》，李白《渡荆门送别》，韦应物《滁州西涧》，杜牧《赠别·多情却似总无情》，李煜《虞美人·春花秋月何时了》，苏轼《水调歌头·明月几时有》，李清照《如梦令·昨夜雨疏风骤》，辛弃疾《破阵子·醉里挑灯看剑》，马致远《天净沙·秋思》。